

Fljótsdalshreppur
Végarði
701 Egilsstaðir

Reykjavík 7. febrúar 2019
UST201901-066/A.B.
10.04.02

Efni: Tillaga – Breyting á Aðalskipulag Fljótsdalshrepps 2014 – 2030 Efnistökusvæði

Vísað er til erindis sveitarfélagsins Fljótsdalshrepps er barst 8. janúar sl. þar sem óskað er umsagnar Umhverfisstofnunar um tillögu að aðalskipulagsbreytingu vegna efnistökusvæða fyrir Kröflulínu 3.

Í greinargerð kemur fram að breytingin á aðalskipulagi Fljótsdalshrepps 2014-2030 felst í að skilgreina fjögur ný efnistökusvæði vegna framkvæmda við Kröflulínu 3. Efnistökusvæðin eru við eða í nágrenni við línuleiðina og áætlað efnismagn úr námunum er frá 7.000 – 30.000 m³.

Efnistaka

Það er mat Umhverfisstofnunar að jarðrask í tengslum við framkvæmdina skuli ekki vera á náttúruverndarsvæðum né svæðum þar sem eru jarðminjar eða vistkerfi sem njóta verndar, en á svæðinu eru fjölmörg votlendissvæði.

Votlendi sem eru 20.000 m² (2 ha) að flatarmáli eða stærri falla undir a. lið 1. mgr. 61. gr. laga nr. 60/2013 um náttúruvernd.

Í 61. gr. laganna er kveðið á um sérstaka vernd þeirra vistkerfa og jarðminja sem taldar eru upp í 1. mgr. og 2. mgr. greinarinnar. Skv. 3. mgr. ber að forðast röskun þeirra náttúrufyrirbæra sem undir greinina falla, nema brýna nauðsyn beri til og ljóst að aðrir kostir séu ekki fyrir hendi. Með orðalaginu „brýn nauðsyn“ er lögð áhersla á að einungis mjög ríkir hagsmunir geti réttlætt röskun og þá fyrst og fremst brýnir almannahagsmunir.

Ef það verður rask á svæðum sem njóta verndar telur stofnunin mikilvægt að rökstuðningur þess efnis komi fram í tillögunni auk þess hverjar verða mótvægisáðgerðir og hvernig vöktun verður hagað.

Stofnunin bendir á að skylt er að afla framkvæmdaleyfis, eða eftir atvikum byggingarleyfis, vegna allra framkvæmda sem fela í sér röskun á svæðum sem njóta


sérstakrar verndar, sbr. skipulagslög og lög um mannvirki. Á þetta að tryggja að tekið sé til rækilegrar skoðunar hvort framangreint skilyrði sé uppfyllt. Við mat á leyfisumsókn ber að veða saman mikilvægi náttúruminjanna sem í húfi eru og hagsmuni af fyrirhugaðri framkvæmd. Við matið skal litið til verndarmarkmiða 2. gr. og 3. gr. laga um náttúruvernd auk þess sem tekið skal mið af mikilvægi minjanna og sérstöðu í íslensku og alþjóðlegu samhengi, sbr. 3. og 4. mgr. 61. gr.

Umhverfisstofnun vill benda á leiðbeiningar um efnistöku, frágang og uppgræðslu sem er að finna á vefsíðunni namur.is, sem haldið er úti af Umhverfisstofnun, Vegagerðinni, Landsvirkjun o.fl. aðilum. Þær leiðbeiningar gætu nýst við lýsingar á efnistöku og frágangi þeirra náma sem notaðar verða við framkvæmdina.



Axel Benediktsson
Sérfræðingur

Virðingarfyllst



Rakel Kristjánsdóttir
Sérfræðingur